



Mitt disen fünfferley weisen mag das quäck sylber gmacht werden/ vnd wel-
 chen keine zünerachten ist. Aber doch wan die grübe viel ärtz gibt/ so ist die erste
 die aller geschicktest vñ nutzlichst/ dieweil eins mals viel ärtz ohn grossen kosten
 mag gschmelzt werde. Aber Wismit/ nach seiner art/ so kein sylber helt/ wirt
 auff mächerley weisen gmacht. Erstmal wirt in den trockē bodē ein grübē gra-
 ben/ vñ folgstübe darcin gworffen/ mit pauchstēpfeln gepaucht/ darnach mit
 glüendē kolen außgetrocknet/ bald werde auff die grübē dürre büchen die breit
 seindt glegt/ vñ auff die selbig d Wismit gworffen/ so bald/ aber das holz so an
 gezündet brinnet/ so fleußt vō dē ärtz so erhizget/ pley in die grübē/ welchs stein
 so widerüb erkaltet/ auß dē selbigē gnomē wirt. Dieweil aber vō holz mit feur
 gebrandt/ zū offtermals kolē/ auch zun zeitē schlackē in das pley herab fallēdt/
 dz die grübē gfasst hat/ vñ dasselbigē vn sauber machendt/ so muß es widerüb
 in ein anderē tiegel gschmelzt werden/ daß ein reiner stein werde/ welches so et-
 lich bedeckendt/ ein grübē an ein ort das sich hēget/ grabendt/ vñ vnder in ein
 tiegel/ in welche das pley so auß d grücken als bald fleußt/ rein pleibet/ vnd dar-
 uon mitt einer kelle geschöpfft/ giessendt sie in eiserne pfenlin/ inwendigen mit
 leim verkleibet/ vñ machendt da raus die stein. Solche grüben aber bedeckēdt
 sie mitt flachē ebenē steinen/ vñ verstreichen ire fügen/ daß sie nicht das gflossen
 pley in sich ziehē/ mitt leim/ das mitt kol gestübe vermengt ist/ wol zū. Etliche
 werffendt das ärtz in die Siechtene rinnē/ die an ein haldächtige ort gsetzt seindt
 so ein stiller windt bläst/ vñ schmelzens mitt kleinē holz so darauff gelegt vnd
 angezündt/ mitt welcher weiß der Wismit so gflossen auß den rinnē in die grü-
 ben so darunder ist/ herab fleußet. Aber die schlackē/ oder stein von gäler farbē
 die in jhnen ist/ vñnd auch in den breitten scheitten der grüben auffgelegt blei-
 bendt/

vñ
 vñ